

Communicaziun da medias digl cumegn da Surses (nr. 10-2019)

Surses: approvaziun digl preventiv 2020

La radunanza communal ha approvà cun fitg gronda pluralità i preventiv 2020. Igl chint economic preveì en surplè d'antradas da radond 0.75 milliuns francs. Las investiziuns bruttas montan a 12.4 milliuns francs. Igl pe da taglia stat sen 100% dalla taglia simpla digl cantun Grischun.

Tar antradas da 32'162'100 francs ed expensas da 31'420'100 francs preveì i preventiv en surplè d'antradas da 742'000 francs. Las investiziuns bruttas montan a 12'394'000 francs (investiziuns nettas 9'101'000 francs) e pertotgan cunzont l'infrastructura communal cun la sanaziun da veias e conducts d'ovras; l'amplificaziun dall'infrastructura turistica a La Nars, Savognin; e la construcziun da parcadis an connex cun la realisaziun d'en hotel e d'en resort da vacanzas a Viols, Savognin. Pinavant cuntigna i preventiv er amprests, participaziuns e contribuziuns da promoziuns - gio approvadas - da total 3.565 milliuns francs per projects turistics.

Approvaziun da projects d'investiziun

Sainza cuntervusch ha la radunanza communal approvà en credit da fr. 360'000 per la sanaziun dalla Veia La Motta a Parsonz. Er alla dumonda da credit da fr. 800'000 per la renovaziun totala digl Punct Lecschi a Savognin è nia consentia cun fitg clera maiorità.

Ulteriouras decisziuns

Sainza cuntervusch ha i suveran approvà i augmants dalla contribuziun da promoziun gio decideida i avregl 2018, per la construcziun d'en hotel a Grava, Savognin, dad uriundamaintg fr. 600'000 sen nov max. fr. 800'000. L'adattaziun succeda aint i rom dallas directivas davart la promoziun da hotels e da menaschis d'alloschamaint cun letgs administros.

Pinavant ha la radunanza communal conclusida sainza discussiun da lascher i pe da taglia per i onn 2020 sen 100% dalla taglia cantunala simpla. Ultra da chegl è nia decidida da fixar nignas restricziuns pertutgont las quotas per la vendita d'immobiglias ad esters pigl 2020, conform alla practica actuala.

Ulteriouras infurmaziuns dat i gl mastral Leo Thomann (telefonign 079 405 96 73)

Tinizong, igl 2 da december 2019